

0
HIC LIBER

COMPOSITUS

ET CONSCRIPTUS

A VEN^BRABILI PATRE PEDÉ

SERIES
MONACHORUM
PROFESSORUM CARTUSIÆ
B.V. MARIE DE CAPELLA,
ET ILLORUM QUI IN ILLÂ PRIORIS
MUNUS EGERUNT.

Ab initio Foundationis ejusdem Domûs a.º 1314

ad Annum 1762.

Præmonitum.

Impossibile fuit in hoc Opere rectum et verum Ordinem exhibere professionis aut Obitûs uniuscujusque Religiosi, quia defuerunt ad hoc necessaria Documenta; deest etiam Cartarum Capituli nostri generalis maxima pars. quæ hic notavimus, non levi Studio excerptimus ex libris et litteris Domûs in Procuraturâ; ex antiquis Calendarijs, in quibus quidem dies Obitûs describuntur sed omissi sunt Anni: et ex antiquis Chronicis Capella quorum primum Auctore V. P. Domino Arnolde Beetriscen. in multis vitiosum invenimus, nec mirum; nam ad Procuraturam accessum bonus Pater non habebat, et varia refert ex auditu: Secundum, optime Scriptum est a V. P. Joanne Ammonio de Harenâ (confratre nostro, sicut alter; et fidele credendum est; nam omnium fere quæ scripsit Testis fuit oculatus.

Scribunt omnes quod prima Colonia vel primi Patres

nostri Domum hanc noviter fundatam inhabitaturi venerint ex Domo nostra de Macourt, tunc propè Valencenas; sed qui illi fuerint aut quibus vocati nominibus vel an hic manserint et Defuncti sint, vel redierint nusquam invenire potuimus nec hic nec Valencenis: tacet super hoc omnino auctor Antiquioris Chronici nec quidem in Cathalogo quem refert Religiosorum illorum qui ante Annum 1390 defuncti sunt, tales distinguit a ceteris. In tantà obscuritate cum melius nec possimus nec valeamus, coacti fuimus sequi auctoris primi illius Chronici Cathalogum prædictum quoad Defunctos illos ante Annum 1390, uno vel altero excepto quos adhuc in sequenti sæculo vixisse invenimus.

D. Robertus primus Prior hujus Domus primum hic locum obtineat. is prout scribit Beeltrys professus erat Domus Vallis s^{ti} Petri. hic a^o 1314, die Martis post s. Nicolaum hyemalem, munitus litteris commendatis Maria Vidue Gerardi Dni Angiensis, et Gerardi de Sottengien perrexit Cameracum sollicitatus, consensum Episcopi et Abbatis s. Auberti pro erectione novæ Domus in hoc loco, quorum litteras inde retulit, obijt 17 februarii quo anno Deus scit. fuit hic Prior per tres annos.

~~... C. Joannes de Meldert prof. D. ... quondam Pri-
or hujus Domus. ob. 26 Septembris. Anno 1317 erat
30 may Prior hujus Domus qui ille supponitur multis ratio-
nibus. hic idem erat Prior in Zeelhem Anno 1330.~~

D. Joannes de Meldert prof. D. ... quondam Pri-
or hujus Domus. ob. 26 Septembris. Anno 1317 erat
30 may Prior hujus Domus^{Joannes} qui ille supponitur multis ratio-
nibus. hic idem erat Prior in Zeelhem Anno 1330.

D. Joannes Adam prof. D. ... initio fundatio-
nis hic etiam præfuit obijt 15 Xbris.

D. Joannes de Bouchoute prof. ut credimus hujus

Domus in qua annus 1319 et 1321 Procuraturam gerebat et ad Prioratum pervenit paulo post. erat autem in hac Domo Prior Anno 1328 dum in Adventu Dni cum Priore Domus Antverpiæ a Reverendo Patre Generali commissionem accepit examinandi possessiones et redditus quos Viri nobiles Dominus de Diest cum Socio D. Joanne de Ranchoven offerebant pro fundatione Domus novæ propè Diesthemium: et Dom. Joannes Sheylinck Consiliarius Comitis Flandria pro fundatione alterius Domus propè Gerardimontem. quâ ultimâ ex parte Ordinis acceptatâ verè similiter eo missus fuit Prior, nam in Sylvâ S. Martini Prior erat anno 1332 usque ad 1335 inclusive. obiit autem 4^{to} Aprilis.

D. Salomon hic numeratur Prior cujus obitus in Calendario ad 20^{to} Februarij.

D. Colardus alias Nicolaus Dehen, Angiensis prof. hujus Domus a cujus matre D. Patarina de Ameyden multa mobilia recepimus. fuit hujus Domus Procurator ab anno 1329 ad annum usque 1340 et forsân ultra obitus hujus in Calendario 26^{to} Novembris.

D. Symon Prior Capella Anno 1343 ad annum usque et fortè ultra 1347. obiit 24 May.

D. Gerardus de Santen alias Santo prof. hujus Domus, receptus anno 1338 professus anno sequenti 1339. ante ingressum Ordinis Clericus secularis notabilis. Procurator erat anno 1344 usque 1347 et forsân ulterius. hic scripsit originales libros de redditibus et bonis quæ tunc possidebamus nitidissimo caractere qui adhuc sunt in Procuraturâ. contexit item Bibliam quæ dicebatur antiqua, et scripsit egregius scriptor multos pulchros libros etiam Cantuales. habitavit in Zelhem et in Domo Leody in quâ obysse creditur; Anno 1371, 15^{to} Martij.

D. Joannes de Montscote Prior hujus Domus cujus obitus invenitur in Calendario ad 16^{to} Februarij. Dabo hic ceteros hujus Domus Priores quorum tempus presidentia dubium est qui tamen scribuntur in

Calendario antiquiore hujus Domus hoc saculo fuisse
Priores.

(D. Joannes Heiste. professus Domus Vallis gra-
tia propè Brugas, Prior hujus Domus qui obijt 7^a Ja-
nuarij.

D. Jacobus de fiedeserfse prof. Domus s^{ta} Alder-
gundis propè s^{ta} Audomarum Prior hujus Domus, sub quo
inita est associatio hujus Domus cum Domo Sylve s^{ta}
Martini sub eorum Priore D^o Joanne Dotel circa Pascha
Anno 1377 et 14^a July Anno 1378 associatio nostra cum
Domo Gandensi sub illorum Priore D^o Joanne de Stoct.
Ille D. Jacobus erat hic Prior Annis 1358, 1359 et
1360 forsitan idem est. obijt pro ut nostrum Calendarium
24^a Januarij (credo) Prior in Domo sua professionis.

D. Petrus Naghel Alostanus prof. hujus Domus
circa annum 1343 nam hoc anno invenimus eum hic
fuisse adhuc in habitu sæculari vel Clericali, quia scri-
bitur quod fuerit ante ordinis ingressum Clericus. hunc
videmus hujus Domus Priorem Annis 1370 et 1373
quibus consideratis debet præcedens D. Jacobus fuisse hic
secundo Prior constitutus quod est possibile. obijt Petrus
hic 1^a May 1395.

D. Petrus de Prussia prof. Domus Leodij Prior
hujus Domus simul et Rector constitutus Domus ^{tunc} paupè-
ris Sylve s. Martini. de eo dubitatur an idem non sit
quem Haisius ad 2^m martij vocat Anonymum, qui causa
orti schismatis in Ecclesia a^o 1373 Gandavum fugit qua
Civitas prout Cartusia nostra, partes tenebat Urbani Pon-
tificis. Calendarium nostrum habet obitum hujus Petri
ad 2 Augusti, et invenimus alibi annum scilicet 1388.

D. Jacobus Naghel Alostanus et frater supradicti
Petri Naghel, hic non invenitur in Catalogo Priorum
quem habet Cronicon, sed est in Registro nostro antiquarum
litterarum una littera qua est de Anno 1395 qua vocat
illum hujus Domus Priorem, unde inter illos numerandus est.
Anno 1370 erat hic Conventualis et Anno 1390 Procurator.